

# ხელშეკრულება სახელმწიფო შესყიდვის შესახებ № 131

ქ. ქუთაისი

22 ოქტომბერი 2021 წელი

ხელშეკრულების დადების საფუძველია ააიპ „ქალაქ ქუთაისის ბაგა-ბალების გაერთიანების“ მიერ ჩატარებული ელექტრონული ტენდერი № NAT210019128

## 1. ხელშეკრულების დამდები მხარეები

ერთი მხრივ, ააიპ „ქალაქ ქუთაისის ბაგა-ბალების გაერთიანება“ (შემდგომში „შემსყიდველი“) წარმოდგენილი მისი დირექტორის დავით წიტიანიშვილის სახით და მეორე მხრივ, შპს „ციტადელი“ (შემდგომში „მიმწოდებელი“) წარმოდგენილი მისი დირექტორის გრიგოლ ქურცაძის სახით, სახელმწიფო შესყიდვების შესახებ საქართველოს კანონისა და შემსყიდველის მიერ ჩატარებული ელექტრონული ტენდერის (სატენდერო განცხადება N **NAT210019128**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

## 2. ხელშეკრულების საგანი და კლასიფიკატორის კოდი

2.1 ააიპ „ქალაქ ქუთაისის ბაგა-ბალების გაერთიანების“ ფილიალებისათვის ცენტრალური გათბობის ბოილერის (ქვაბი) შესყიდვა, დანართ №1-ის (ფასების ცხრილი) შესაბამისად. დანართი №1 წარმოადგენს ხელშეკრულების განუყოფელ ნაწილს;

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით გათვალისწინებული პირობების დაცვით.

2.3 მიმწოდებელი იღებს ვალდებულებას უზრუნველყოს ხელშეკრულებით გათვალისწინებული საქონლის ჯეროვანი მიწოდება, წინამდებარე პირობების შესაბამისად;

2.4 კლასიფიკატორის კოდი – 44621220

## 3. ხელშეკრულების ღირებულება

3.1 ხელშეკრულების ჯამური ღირებულება შეადგენს 51 380 (ორმოცდათერთმეტი ათას სამასოთხმოცი) ლარს.

3.2 ხელშეკრულების ღირებულება მოიცავს საქონლის მიწოდებასთან დაკავშირებულ მიმწოდებლის მიერ გაწეულ ყველა ხარჯს, მათ შორის კანონმდებლობით გათვალისწინებულ ყველა გადასახადს..

## 4. შესყიდვის ხარისხი

4.1 მიმწოდებელი პასუხს აგებს მიწოდებული საქონლის ხარისხზე და ამ სფეროში არსებულ ნორმებთან შესაბამისობაზე, ხოლო შემსყიდველი უფლებამოსილია ჩაატაროს ხარისხის კონტროლი და თუ მიწოდებული საქონელი აღმოჩნდება უხარისხო/წუნდებული შემსყიდველი უფლებამოსილია წარუდგინოს მიმწოდებელს დასაბუთებული რეკლამაცია, რის შემდეგაც მიმწოდებელი ვალდებულია გონივრულ ვადაში უზრუნველყოს მითითებული საქონლის ახლით შეცვლა.

4.2 მიმწოდებელი მიწოდებულ საქონელზე იძლევა გარანტიას 2 (ორი) წელი გარდა იმ შემთხვევისა, როდესაც დაზიანება გამოწვეულია მექანიკური ზემოქმედებით და იღებს ვალდებულებას შეტყობინების მიღებისთანავე განახორციელოს წუნდებული საქონლის შეცვლა, რომელიც არ იქნება შემსყიდველის ბრალეულობით გამოწვეული, შემსყიდველის მხრიდან რაიმე დამატებითი დანახარჯის გაწევის გარეშე.

## 5. მიწოდების წესი

5.1 მიწოდება უნდა განხორციელდეს ხელშეკრულების გაფორმებიდან 15 (თხუთმეტი) კალენდარული დღის განმავლობაში, 2021 წლის 6 ნოემბრის ჩათვლით.

5.2 მიწოდება უნდა განხორციელდეს შემდეგ მისამართებზე: ქუთაისი ახლაგაზრდობის #104ა, ქუთაისი ტყაბლაძის №3, ქუთაისი ნიკვას №1-9ა, ქუთაისი ლერმონტოვის №2, ქუთაისი ნიკვას №56.

## 6. შესყიდვის ობიექტის მიღება-ჩაბარების წესი

6.1 მიწოდებული საქონელი მიღებულად/ჩაბარებულად ჩაითვლება მიღება-ჩაბარების აქტზე უფლებამოსილი პირების ხელმოწერის შემდეგ. „მიმწოდებელი“ წარუდგენს „შემსყიდველს“ მიწოდებული საქონლის შესახებ მიღება-ჩაბარების აქტს, სასაქონლო ზედნაღებს და საგადასახადო ანგარიშ-ფაქტურას (კანონით გათვალისწინებულ შემთხვევაში).

6.3 ააიპ ბაგა-ბალების გაერთიანების-ს მხრიდან მიღება-ჩაბარების აქტს ამტკიცებს გაერთიანების დირექტორი დავით წიტიანიშვილი.

## 7. ანგარიშსწორების ფორმა და გრაფიკი (ვადები)

7.1 ანგარიშსწორების ფორმა იქნება უნაღდო, ლარებში.

7.2 ანგარიშსწორება მოხდება საბოლოოდ, ფაქტიურად მოწოდებული საქონლის შესაბამისად გაფორმებული მიღება ჩაბარების აქტის, სასაქონლო ზედნადების და დ.დ.გ-ს ანგარიშფაქტურის (კანონით გათვალისწინებულ შემთხვევაში) საფუძველზე.

7.3 ანგარიშსწორება განხორციელდება შესრულების დამადასტურებელი დოკუმენტის გაფორმებიდან (შესყიდვის ობიექტის მიღება-ჩაბარებიდან) არაუმეტეს 10 (ათი) სამუშაო დღის განმავლობაში.

## **8. ხელშეკრულების პირობების გადასინჯვის შესაძლებლობა**

8.1 არავითარი ცვლილებები ან გადახრა ხელშეკრულებაში არ დაიშვება ორივე მხარის მიერ ხელმოწერილი წერილობითი შესწორებების გარდა. ნებისმიერი ცვლილება, რომელსაც მოყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398 – ე მუხლით გათვალისწინებული შემთხვევებისა. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.2 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანდ და არც ნაწილობრივ არ უნდა გადასცეს სხვა სუბიექტს მოცემული ხელშეკრულებით გათვალისწინებული თავისი ვალდებულებები.

8.3 ხელშეკრულების შესრულების პროცესში რაიმე ხელის შემშლელი გარემოებების წარმოშობისას მხარეებმა ურთიერთობა უნდა მოაგვარონ წერილობითი შეტყობინების გზით.

## **9 მხარეთა პასუხისმგებლობა ხელშეკრულების დარღვევისას**

9.1 დაუძლეველი ძალის გარდა „მიმწოდებლის“ მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები: – ხელშეკრულების თვითნებურად შეწყვეტის შემთხვევაში მიმწოდებელი გადაიხდის ხელშეკრულებით გათვალისწინებული თანხის 30%-ის ოდენობით.

9.2 ხელშეკრულებით გათვალისწინებული პირობების დაგვიანებით შესრულებისათვის ან/და არაჯეროვანი (არაჯეროვან შესრულებად ჩაითვლება: 1. როდესაც მოწოდებული საქონელი არ შეესაბამება ხელშეკრულებით გათვალისწინებულ ტექნიკურ და ხარისხობრივ მაჩვენებლებს. 2. მოწოდებული საქონელი ნაკლებია ხელშეკრულებით გათვალისწინებული საქონლის მოცულობაზე) შესრულებისთვის ყოველ ვადაგადაცდილებულ დღეზე მიმწოდებელს დაეკისრება საჯარიმო თანხის გადახდა ხელშეკრულების ჯამური ღირებულების 0.1%-ის ოდენობით.

9.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 1%-ს, „შემსყიდველს“ უფლება აქვს შეწყვიტოს ხელშეკრულება;

9.4 ამ ხელშეკრულების 9.3 და 9.7.1 მუხლის მოთხოვნათა შესაბამისად, ხელშეკრულების სრული ან მისი ცალკეული პირობის მოქმედების შეწყვეტის შემთხვევაში, მხარეს რომელმაც არ შეასრულა ხელშეკრულებით ნაკისრი ვალდებულება დაეკისრება პირგასამტეხლო ხელშეკრულებით გათვალისწინებული თანხის 30%-ის ოდენობით მეორე მხარის სასარგებლოდ.

9.5 ხელშეკრულების პირობების შეუსრულებლობისათვის, „მიმწოდებელი“-ს დაჯარიმების შემთხვევაში, „შემსყიდველი“ იტოვებს უფლებას ფაქტიურად მოწოდებული საქონლის ასანაზღაურებელი თანხა არ გადარიცხოს მანამ, ვიდრე „მიმწოდებელი“ არ გადაიხდის საჯარიმო თანხას და გადახდის დამადასტურებელი დოკუმენტის ასლს არ წარადგენს გაერთიანებაში.

9.6 საჯარიმო სანქციის გადახდა არ ათავისუფლებს „მიმწოდებელს“ ძირითადი ვალდებულებების შესრულებისადმი.

9.7 ხელშეკრულების შეწყვეტა მისი პირობების შეუსრულებლობის გამო:

9.7.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

9.7.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ.

9.7.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

## 10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ მისი ვალდებულებების შეუსრულებლობა არის ფორს-მაჟორული გარემოებების შედეგი.

10.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებათა მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრ ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

## 11. სადაო საკითხების გადაწყვეტა

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს, საქართველოს მოქმედი კანონმდებლობის შესაბამისად.

11.2 „შემსყიდველი“ უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

## 12. ხელშეკრულების მოქმედების ვადა

12.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2021 წლის 10 დეკემბრის ჩათვლით.

## 13. მხარეთა რეკვიზიტები და ხელმოწერები

### „შემსყიდველი“

ააიპ „ქუთაისის ბაგა ბაღების გაერთიანება“

მის: ქ. ქუთაისი, რუსთაველის გამზ. #3

ს/კოდი: 412675396

ა/ნ: ხაზინის ერთიანი ანგარიში

დირექტორი

### „მიმწოდებელი“

შპს ციტადელი

საიდენტიფიკაციო კოდი: 404924285

მის: ქ. თბილისი, აგლაძის 32

ტელ: 597925995

ს/ს პროკრედიტ ბანკი

ბანკის კოდი: MIBGGE22

ა/ა : GE03 PC0223600100011777

დირექტორი

დავით წიტიშვილი

გრიგოლ ქურცაძე

ფასების ცხრილი

№	დასახელება	ტექნიკური პარამეტრები	რაოდენობა	წარმოშვების ქვეყანა და მწარმოებელი	ერთეულის ფასი (ლარი)	საერთო ფასი (ლარი)
1	ცენტრალური გათბობის ბოილერი (ქვაბი)	<p>თბური დატვირთვა – 40 kw</p> <p>გათბობის წრედის ტემპერატურა - 40 – 80 ცელსიუსი</p> <p>წნევა გათბობის კონტურში - 0.5 დან 3 bar</p> <p>3 სიჩქარიანი ცირკულარული ტუმბო 70 - დან 110 ვატამდე</p> <p>ორმაგი დახურული წვის კამერით</p>	10 ცალი	ჩინეთი ECOON	2450	24500
	ცენტრალური გათბობის ბოილერი (ქვაბი)	<p>თბური დატვირთვა – 36 kw</p> <p>გათბობის წრედის ტემპერატურა - 40 – 80 ცელსიუსი</p> <p>წნევა გათბობის კონტურში - 0.5 დან 3 bar</p> <p>3 სიჩქარიანი ცირკულარული ტუმბო 70 - დან 110 ვატამდე</p> <p>ორმაგი დახურული წვის კამერით</p>	12 ცალი	თურქეთი AIRFELL	2240	26880
	<b>ჯ ა მ ი</b>					<b>51 380</b>